

Quan Lauriaflors prengot marit

1. Quan Lauriaflors prengot marit, / Son pair, sa mair an malasit.
2. Lauriaflors prè de's desliurar, / Son pair, sa mair envia a cercar.
3. "On trobarèi-jo messatgèr, / Enta pair e mair per enviar ?
4. Un messatgèr bien diligent, / Que marchèsse coma lo vent ?"
5. Lo messatgèr que n'ei partit / Entau pair que Diu l'a conduit.
6. "Adishatz, pair de Lauriaflors, / Jo soi ací en grans dolors :
7. Lauriaflors prè de's desliurar, / Vs'e hè pregar de l'assistar.
8. - N'i vò pas anar, ni mei enviar : / Jamès se posquet desliurar !
9. Jamès se posquet desliurar. / Que jo non l'angui assistar !"
10. Lo messatgèr que n'ei partit, / Entà la mair, Diu l'a conduit.
11. "Adishatz, mair de Lauriaflors : / Jo soi ací en grans dolors.
12. Lauriaflors prè de's desliurar, / Vs'e hè pregar de l'assistar.
13. - N'i vò pas anar, ni mei enviar. / Jamès se posquet desliurar.
14. Jamès se posquet desliurar. / Que jo non l'angui assistar !"
15. Lo messatgèr s'en ei tornat, / Aquera novèla a portat.
16. "On trobarèi-jo messatgèr, / Entau men frair ende enbièr ?
17. Un messatgèr hòrt diligent, / Que marchèsse coma lo vent."
18. Lo messatgèr que n'ei partit, / Entau frair que Diu l'a conduit.
19. "Adishatz, frair de Lauriaflors, / Jo soi ací en grans dolors.
20. Lauriaflors prè d'es desliurar, / V'e hè pregar de l'assistar."
21. E lo bon frair que n'ei partit, / A Lauriaflors, Diu l'a conduit.
22. Quan arribèt a mièi camin, / Augit la compana har drin drin.
23. Quan arrivèt entà suu sòu, / N'a vist sa sòr morta au linçòu.
24. Quan estèt entà suu solhar, / N'a vist sa sòr envelopar.
25. Tant n'a gemit, tant n'a plorat, / Que lo son còr s'es esclatat.
26. mau de còr es-eth aquò, / Un frair morir per ua sòr !